

Най правосални Всеобщай Декларацияни

Генеральной Ассамблея резолюциядиани 217 А (III) гуси биани дёаячаи инидуэни 1948 айһаниду токтовохан,
гэрэн гурумбэ долдивамбохан

[?]

Гэрэн гурун нуктэндүэчи балди най таони гэбуни, эмуту, уй-дэ чйрэсини правосал – хэңгэл, мирнэй биури
основани. Чава тэджючими, гучи

сәори: най правосалбани бодоваси, чачи чиурисиури – тэй хэм най дөвани тагдоандини. Най хэңгэл, мэнэ
мурумби уми мутэми, хайди-да эм н л ми, эм хадиачиами бигуэни аңгөри мир – тэй гэрэн гурун чу увуй
мурундиэри отоличайчи, сайчайчи мир. Чава тэджючими, гучи

най, сиңгэрэмбэ, эрумбэ бәридои, чихаласи-да, мурумби ачапчи чу хаморой эрдэнчи – соринчи – илиаси
осигоани, нёани правосалбани гиан кусундиэни кандёрива гэлэури. Чава тэджючими, гучи

гой-гой голо найсал кэвэли балдивачи масилтоми пикпүри. Чава тэджючими, гучи

Объединённой Нациясал голосалчи найсал правосалбани, гэбүвэни, ценностивэни, гучи хусэни, эктэни
эмутуди правосалковачи Уставаду гучи модан уңгүхэчи, тотара социальной прогресс, хэңгэл биури бади
улэн-улэн осигоачи пикпумэри дэрүхэчи. Чава тэджючими, гучи

государствосал-членсэл, ООНди гэсэ, най правосалбани, свободасалбани гэбулэуриwэ, дахалаорива
пикпумэри хэсэwэ бүхэмбэчи. Тэджючимэри, гучи

эй правосал, свободасал характербачи хэмту найсал отолиочиачи, нёанчи бухэмбэри хэсэwэри чопал тэде
опогоандидоачи, отолихачи тэң дāи значениеку осивани сāми. Чава тэджючими,

Генеральной Ассамблея

эй най таони правосални Всеобщай Декларациява гэрэн гурун сāгоачи гисурэйни. Тэй задачава тэде
оповамборива хэмту голосал, государствосал тэдемэңгилэйчи.

Най таони, общество органни таони, эй Декларациява тул-тул эдечимэри, гэрэн гурумбэ алосимари,
тачиочимари, эй правосалба, свободасалба кидуриwэ тэдемэңгүэчи, всеобщай, эффективнэй признаниева
мэнэ голои гучи гой-гой голосал дёбонсалдиани оповамборива, нёамбачи государствосал-членсэл
голосалдоачи, тэй государствосал далачайчи нāду би голосалду тэде оповамборива обеспечивалаорива
тэдемэндивэчи гэлэй.

Дюлуй статья

Хэмту найсал гипалин, мэнэ гэбудиэри, правосалдиари эмуту балдичи. Нёанчи мурунжу, дэрэлку, диа диавари а-нэу-мэт бодомари тагилайчи.

Дюэечиэ статья

Най таони, голони, хэрэктэни бойкони хõни бимиу, эктэни, хусэни бимиу, хай хэсэдиэни хисаңгоамио, хай эндуривэ, политикава гучи гой дякасалба агдачамио, хавой голо бимиу, баян, синэди бимиу, дяңгиан, байби най бимиу, гучи хадёни гой хай-да хаңгис-хаңгис бй-дэ, – чава эм бодоами, эй Декларация сәваңкини хэмту правосалку, хэмту свободасалку бигини.

Тэй оячиани, найва, хай боадоани, нāдоани бй-дэ, тэй боа, нā, страна хõни би статусако бимиу: политической, правовой, международной-ну, мэнэ энчэхэндии-ну, гой страна далайдиани бйни-ну гучи хõни-да энчэхэмбэни камаливачи аличайни-ну – гэрбиэсиухэн тургундулэни хаңгис-хаңгис бодоваси.

Илиачиа статья

Най таони бимбэ, свободава, уй-дэ нёамбани тоңгаласивани гэлэми мутэй. Тэй нёани правони.

Дуечиэ статья

Уйвэ-дэ лаодинчами ачаси; лаодинчаорива, лаодинсалба хачинди ходасиорива камалиори.

Тойңгиачиа статья

Уйвэ-дэ эрулэури, кэпсүңгэди, гэбувэни тугбуми таори, кэсулиури ачаси.

Нюңгиэчиэ статья

Най таони, хайдо-да бичин-дэ, нёани правосубъектностиди правоковани тэдеуривэ гэлэй.

Надачиа статья

Хэмту найсал гиандо эмуту, хангис-хангис би анадияни, эмутуди гиан кандёйвани гэлэмэри мутэйчи. Эй Декларациява эм тургунчиэми, уйвэ-дэ хõни-да тугбуриду гучи хõни-да хэм би тугбунчи пикпуриду хэмту най эмуту кандёмба гэлэмэри мутэйчи.

Дякпочиа статья

Най таони, нёандоани Конституция, гиан бӯхэчи основной правосалбани боялиори осини, гиамба улэн сәри мэнэ голои дёдяни нёани правосалбани хэм тэрэк таогойвани гэлэми мутэй.

Хуюэчиэ статья

Уйвэ-дэ байта анадани джаори, камалиори, пуңнэури ачаси.

Дёаячаи статья

Най таони, мэнэ правосалби гучи таи дякасалба тэрэк осигоаңгачи, м

пибайталтойвачигианкономсāгоачи,гэрэнгурундиэмутуди,хэмтунайсал сāридиачи, гиандола тэрэк мэнэ энчэхэндии дёбой дёдян дёдяйвани гэлэми мутэй.

Дёан эмунчиэ статья

Най таомбани, нёамбани байталториду, чава гиандола дёдями сāгори- чиа, байта анад бодори; тэй оячиани нёамбани, хони-да хэм м пи кандёми мутэгуэни, хачинди бэлэчиури.

Уйвэ-дэ, хайва-да тахандолани-ну, тāчиндолани-ну, чава тахани эринду нёани голони гиандолани, международной праволани тэй байта биэчини осини, байтакоам байталтоми ачаси. Гучи байтагои бāхани эринду бичин кэсулиндуй маңгади кэсулими ачаси.

Дёан дюэечиэ статья

Уй-дэ гой най эргэмбэни, дёгбани, гэбувэни, дёңкани балдимбани тоңгалами мутэси. Най таомбани гиан кандёйни.

Дёан илиачиа статья

Най таони мэнэ мурундулэй хэңгэлди пулсими, мэнэ государствои долани бигуи боава бāми мутэй.

Най таони гой странава, мэнэ странаи нāлами, мэнэ страначии мочогоми мутэй.

Дёан дуэчиэ статья

Най таони, нёамбани гой най хасасидоани, мэнэ бэуңгуи гой боаду гэлэми, бāхамби бэумби такорами мутэй.

Най мэнэ оркиндолаи хай-да байтава тайни осини, Объединённой Нациясал Организацияни принципэвэни хангис-хангис тайни осини, нёани эй правова такорами мутэси.

Дёан тойңгиачиа статья

Най таони гражданствоку бими мутэй.

Уй-дэ гражданствовани бай туй абанавами ачаси, гражданствои мэнэ мурундулэй калами мутэйни правова

чйгуми ачаси .

Дёан нюгучиэ статья

Хусэ, эктэ най, дёан дякпон с вэ исипари, гой-гой голоко, религияку-да, эди-аси осимари мутэйчи. Нёанчи, эди-аси осидоари, гэсэ балдидоари, пāдилагойдоари, хэм эмуту правокул.

Най хэңгэлди мэнэ мурундулэи, эе-тая чихалайдоани, эди-аси осимари мутэйчи.

Нуктэн – общество боңго ячейкани; обществоди, государствовди нуктэмбэ кандёйчи. Тэй нуктэн правони

Дёан надиачиа статья

Най таони мэнэ хадёмби эмучэн, гой найди-да гэсэ эделэчэми мутэйни.

Уй-дэ гой най хадёмбани чйми мут си.

Дёан дякпочиа статья

Най таони мэнэ хэңгэлди муруңку, дэрэлку, религияку бими мутэй; эй правола най мэнэ чихалами религияи, мурумби калами мутэй. Най таони мэнэ тэдючии мурумби, религияи эмучэн, гой гурунди гэсэ-дэ голои колилани тами мутэй.

Дёан хуюэчиэ статья

Най таони мэнэ тэдючии муруңку бими мутэй. Тэй мурумби гой гурумбэ тэдевэңкичэми, хэңгэлди уми мутэй. Нёандоани тэй право би. Эй правочи йричи: хай границасалба-да бодоами, мэнэ мурумби гōлани биури, хамача-да мэдэвэни хай-да хэм эрдэнди гэлэмэчиури, бāори, найсалба сāвамбори.

Хоринчиа статья

Най таони хэңгэл мирнэй собраниесалду, ассоциациясалду бими мутэй.

Уйвэ-дэ, чихаласи найва, хавой-да ассоциациячи йвэңкичэвэси.

Хорин эмунчиэ статья

Най таони странаи мэнэ бээдии-ну, гой сондёхан найсал алдандиани-ну далачами мутэй.

Най таони мэнэ странадои государственнай дёбондо дёбоми мутэй.

Государстводу балди голосал мурунчи – правительство гиани тэхэни. Гэрэн гурун мурундулэчи странаду тоңдо сондёнсалба осивамбори. Тайнай голосованиеду сондёй найсал хэм эмутуди правоку осивачи

гэлзури.

Хорин дүэечиэ статья

Най таони, общество членни бими, нёани экономической, социальной, культурнэй удэду мэнэ гэбуи зурйчэми, хэңгэлди урэми балдигоани, нёани странадоани балди голосал гой-гой боаду балди голосалди гэсэ диа диавари бэлэчивэчи гэлзури. Тэй найсал таони правочи.

Хорин илиачиа статья

Най таони правони: дёбори, мэнэ мурундулэи дёбоңгои сондёри, тэрэк би, улэн условиеку дёбондо дёбори, дёбон ана осидиани хоричако биури.

Най таони гой найди эмуту дёбондола эмуту туримбэ гэлэми мутэй.

Дёбой най таони, нёандоани, нёани дёңкандоани иси туримбэ гэлзуриди правоку; турини исиасини осини, государство нёамбани бэлэчидиэни правоку.

Най таони нёани интересэвэни кандёй профсоюзав аңгоми, тэй профсоюзачи йуми ая правоку.

Хорин дүечиэ статья

Дёбой най таони тэими, туриңку отпускава гэлэми мутэй. Тэй нёани правони.

Хорин тойңгиачиа статья

Най таони, мэнэ гучи дёңкамби аяди, элгиэчимэри балдигоачи, дёко, сияптаңгико, тэтуэку, энусидуэри, окчичи гучи дэңси гуруңку биуриди правоку. Дёбон ана осиючиани, энусидуэни, дебоми мутэсидуэни, нёон дэрэдигучиэни, сагдаңгочиани, албан бэлэчивэни гэлэми мутэйни. Тэй най таони правони.

Нүчи пурилку экэсэл, нүчи пурил чу маңга эмуту этэхимбэ, бэлэчимбэ гэлзуриди правокул. Хэмту пурил, эдику бāохан бимиу, эди ана бāохан бимиу, эмутуди албан бэлэчидиэни, кандёйдиани бйвэчи гэлзури. Тэй нёанчи правочи.

Хорин нюңгиэчиэ статья

Най таони тачиочиориди правоку. Начальной, общай образование таман ана бигилэйчи. Хэмту пурил начальной образованиева бāгилайчи. Техническэй, профессиональной, увуй образованиева мутэй гурун хэм бāгичи.

Образование найва улэн, маси, гой най правосалбани, свободасалбани кидуриwэ тачиочигини. Образование

диа диавари, гой голосалба дэрэлэми, аличами биуриwэ, Объединённой Нациясал Организацияни мирбэ кандёйвани бэлэчиуриwэ тачиочигини.

Аминсал, энинсэл нүчи пурилбэри хайдо-да тачиочигоачи мэнэ сондёриди правокул.

Хорин надачиа статья

Най таони мэнэ мурундулэи общество культурнэй биндуэни, искусствова улэсими, научнай прогрессаду участвовалами, бэнчиэмбэни такорами мутэуриди правоку.

Най таони моральной, материальной интересэсэлби – мэнэ научнай, культурнэй, художественнай дёбонсалби – кандёми мутэуриди правоку.

Хорин дякпочиа статья

Най таони социальной гучи международной порядокба гэлэуриди правоку. Тэй право эй Декларацияду нирувухэн най правосалбани, свободасалбани тэде оповандини.

Хорин хуюэчиэ статья

Най таони хэнгэлди, тэн улэнди урэи, бии обществоду нэ таодаңко.

Най таони мэнэ правосалби, свободасалби тэде оповандидои, демократической обществоду би гой най правосалбани, свободасалбани, общественной порядокбани, гэрэн гурун бэнчиэмбэчи гиандола сәгини, кидугини .

Тэй правосалба, свободасалба тэде оповандидои, хәли-да Объединённой Нациясал Организацияни целисэлни, принципэсэлни хангиактолани там ачаси.

Гочиаchia статья

Хайва-да эй Декларацияду нирувухэмбэ, хавой-да государство-ну, найсал хопандоачи-ну, пәди найдо-ну правосалба гучи свободасалба абанагоами тагоачи правова бувуриэм, отолими ачаси.